



## ՈՐԱԿԻ ԱՊԱՀՈՎՄԱՆ ԲԱԺԻՆ

**374 10 553310/116**

**+37493464789 gagik.ktryan@sportedu.am [www.sportedu.am](http://www.sportedu.am) Հայաստանի  
Հանրապետություն, Երևան, 0070, Ա. Մանուկյան 11**

**ՀՖԿՍՊԻ ՆՈՐ ԸՆԴՈՒՆՎԱԾ ՈՒՍԱՆՈՂՆԵՐԻ ՀԱՐՑՄԱՆ  
ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ**

## Բովանդակություն

Ներածություն.....	3
Նոր ընդունված ուսանողների հարցման արդյունքների վերլուծություն .....	4
Եզրակացություն .....	12
Առաջարկություններ.....	14

## Ներածություն

«Հայաստանի ֆիզիկական կուլտուրայի և սպորտի պետական ինստիտուտի» Որակի ապահովման բաժինը 2025–2026 ուսումնական տարում իրականացրել է հարցում, որի նպատակն է գնահատել առաջին կուրսի ուսանողների տեղեկացվածության մակարդակը, համալսարանի ընտրության դրդապատճառները և ուսումնական միջավայրի վերաբերյալ նրանց ակնկալիքները: Հարցումն իրականացվել է էլեկտրոնային եղանակով՝ **Google Forms** հարթակի միջոցով: Հարցումն եղել է **անանուն**, ինչը թույլ է տվել ուսանողներին ազատ արտահայտել իրենց կարծիքը և առաջարկությունները:

Հարցմանը մասնակցել է ընդհանուր **240 ուսանողից 136-ը**, ինչը կազմում է մոտավորապես **57%**: Այս մասնակցության մակարդակը բավարար է, որպեսզի ստացված արդյունքները համարվեն ներկայացուցչական և արտացոլեն ուսանողների ընդհանուր պատկերացումները:

Հարցաթերթիկը կազմված էր **12 հարցից**, որոնց մի մասը փակ էր՝ բազմընտրանի կամ սանդղակային պատասխաններով, իսկ մյուս մասը բաց՝ ազատ կարծիքների և առաջարկությունների հավաքագրման համար: Այս կառուցվածքը թույլ է տալիս համադրել ինչպես քանակական (թվային և տոկոսային), այնպես էլ որակական (բացահայտված թեմաներ և միտումներ) վերլուծության մեթոդները:

Վերլուծության արդյունքները ներկայացված են ստորև.


# Նոր ընդունված ուսանողների հարցման արդյունքների վերլուծություն

(Հարցվողներ մասին ընդհանուր տվյալներ)

## Գծապատկեր 1.

### 1.Նշեք ձեր սեռը

136 ОТВЕТОВ




Հարցմանը մասնակցած 136 ուսանողներից սեռային բաշխվածությունը հետևյալն է. **79.4% արական** և **20.6% իգական**: Տվյալները ցույց են տալիս, որ առաջին կուրսում ուսանողների մեծամասնությունը կազմում են տղաները, ինչը բնական է հաշվի առնելով ինստիտուտի մասնագիտական ուղղվածությունը:

## Գծապատկեր 2.

### 2.Որտեղի՞ց եք

136 ОТВЕТОВ




Տարածքային պատկանելիության վերլուծությունը ցույց է տալիս, որ հարցման մասնակիցների 36%-ը, եկել է Երևանից: Արդյունքների համաձայն՝ հաջորդ խմբերը ներկայացված են Արմավիր մարզից (14%) և Կոտայքի մարզից (13.2%): Արարատի մարզից ուսանողների թիվը կազմում է 8.1%, իսկ Շիրակի և Լոռու մարզերից մասնակիցները միասին կազմում են մոտավորապես 7~8%: Մնացած մարզերը (Արագածոտն, Գեղարքունիք, Սյունիք, Տավուշ) ներկայացված են համեմատաբար փոքր թվով ուսանողներով:

### Գծապատկեր 3.

3. Աշխատում ե՞ք այժմ

136 ОТВЕТОВ




Ինչպես երևում է գծապատկերից հարցմանը մասնակիցներից 69.1%-ը չի աշխատում, 27.9%-ը աշխատում է: Իսկ մնացած 4-ը պատասխանել են, որ մասամբ են աշխատում, այսինքն ամսվա մեջ մի քանի օր կամ շաբաթ, կիրակի:

(Բուն հարցեր)

### Գծապատկեր 4.

4. Ձեր ֆակուլտետը


136 ОТВЕТОВ



Առաջին կուրսի հարցման մասնակիցներից 72.8%-ը Մարզչամանկավարժական ֆակուլտետի ուսանողներ են, 27.2%-ը՝ Առողջարարական տեխնոլոգիաների, սպորտային տուրիզմի և կառավարման ֆակուլտետից:

## Գծապատկեր 5.

5.Ձեր ընտրած մասնագիտությունը



Գծապատկերից երևում է որ, հարցման մասնակիցներից մեծամասնություն են կազմում կինեզիոլոգիա (19 ուս.) և աթլ., լող, ս/պ, շ/մ, հրաձ, (19 ուս.), վ/բուլ, բ/բուլ, հ/բուլ, ս/թեն, (18 ուս.), մասնագիտությունների ուսանողները: Փոքր թվաքանակ են կազմում փրկարարական գործ (16 ուս.), ֆուտբոլ (16 ուս.), բռնցք., ծ/մ (15 ուս.), մ/մ, ֆիթնես (13 ուս.), հ/հ, ձ/դո, ս/բո (12 ուս.), մասնագիտությունները: Ավելի փոքր թվաքանակ են կազմում ՖԴԱՖԿ (4 ուս.), ա/ոճ, կ/դո, թ/դո (4 ուս.), լրագրություն (4 ուս.), մասնագիտությունները:

## Գծապատկեր 6.

6.Ինչու՞ եք ընտրել այդ մասնագիտությունը



Այս գծապատկերը ցույց է տալիս, թե ինչու են ուսանողները ընտրել տվյալ մասնագիտությունը: Մասնակիցները նշել են տարբեր շարժառիթներ՝ անձնական հետաքրքրությունից մինչև կարիերայի աճի նպատակներ:

Հիմնական պատճառներն են.

- **Սպորտի հանդեպ սեր և հետաքրքրություն ունենալ (պ. 1)**
- **Մանկուց զբաղվել եմ սպորտով և ուզում եմ շարունակել մասնագիտորեն (պ. 2)**  
Այս երկու պատճառներն ընդգրկում են պատասխանների մեծ մասը՝ մոտ **70–75%**, ինչը ցույց է տալիս, որ ուսանողների ընտրությունը նպատակային է:


Հաջորդ կարևոր շարժառիթն է **մասնագիտության պահանջարկն ու գործնական հնարավորությունները (պ. 5):**

Համեմատաբար քիչ տոկոսով են նշվել արտաքին ազդեցությունները՝ **ընկերների կամ ընտանիքի խորհուրդը**, ինչպես նաև երկրորդական մոտիվացիաներ (նոր փորձ ձեռք բերելու կամ պարզապես շարունակելու ցանկություն):

## Գծապատկեր 7.

7. Որտեղի՞ց եք իմացել ինստիտուտի մասին

136 օժեպատ



- Ընկերներ / ծանոթներ
- Ընտանիքի անդամ
- Դպրոց / ուսուցիչներ
- Ինստիտուտի պաշտոնական կայք
- Սոցցանցեր (Facebook, Instagram և...)
- Լրատվամիջոցներ (հեռուստատեսու...)
- Մանկուց զբաղվել եմ սպորտով ու գ...
- Սպորտուս քոլեջում եմ ավարտել
- Մարզի և առաջարկով
- Պարի ուսուցչուհուց
- Ֆիզկուլտ ինստիտուտի մասին բոլորն էլ գիտեն


▲ 1/2 ▼

▲ 2/2 ▼

Հիմնական աղբյուրը՝ ընկերներ/ծանոթներ են, հարցվողների մոտ 48%–ը տեղեկացել է ընկերների և ծանոթների միջոցով: Իսկ (22.1%) ընտանիքի անդամների միջոցով, (17.6 %)–ը՝ մարզիչների և ուսուցիչների: Մնացած աղբյուրներից ինչպիսիք են՝ սոցցանցեր, լրատվամիջոցներ, ինստիտուտի պաշտոնական կայք, շատ ցածր տոկոս են կազմում:

## Գծապատկեր 8.

8. Ինչու՞ եք ընտրել Ֆիզիկական կուլտուրայի և սպորտի պետական ինստիտուտը: (կարող եք նշել մի քանի տարբերակ)




Հարցման մասնակիցներից մոտ 75-ը նշել են այս ինստիտուտը ընտրելու հիմնական պատճառը՝ Սպորտային մասնագիտություն ստանալու: Սա ցույց է տալիս, որ մեծ մասը նպատակաուղղված ընտրել է այս բուհը՝ որպես մասնագիտական կարիերայի հիմք: Երկրորդ տեղում է (Կարիերա աճ կտա ինձ) (մոտ 50), ինչը վկայում է անձնական աճի ցանկության մասին: Հետաքրքիր է, որ ընկերների կամ ծնողների խորհուրդը (մոտ 40) նույնպես զգալի ազդեցություն է ունեցել որոշման վրա: Մնացած պատճառները՝ (ֆիզիկական պատրաստվածության զարգացում), (հետաքրքրություն ուլտրաի հանդես), (վարկանիշային հաստատություն)՝ զգալիորեն քիչ են նշվել:

## Գծապատկեր 9.

9. Ի՞նչ եք ակնկալում ուսման արդյունքում

136 ОТВЕТОВ




Գծապատկերից երևում է, որ ուսանողների գլխավոր ակնկալիքը՝ գիտելիքն է: Հարցվողների ավելի քան կեսը (52.2%-ը) առաջնահերթ ակնկալում է տեսական և մասնագիտական գիտելիքներ: Երկրորդ տեղում՝ դիպլոմը, (28.7%-ը) ուսանողների համար ամենակարևորը հենց մասնագիտական դիպլոմը ստանալն է: Փոքր, բայց նշանակալի խումբ (11%-ը) ակնկալում է պրակտիկ կամ աշխատանքային հմտությունների զարգացում:

## Գծապատկեր 10.

10. Գնահատեք ընդունելության քննության բարդությունը:

136 responses




Հարցմանը մասնակցած ուսանողներից (39%-ը) ընդունելության քննության բարդությունը գնահատել է 3 միավորը, ինչը ցույց է տալիս, որ բարդությունը միջին մակարդակի է: 39.7%-ը (31+23) ուսանող գնահատել է ցածր՝ 1 կամ 2 միավոր, ինչը վկայում է, որ ընդունելության քննության բարդության նկատմամբ գոհունակությունը շատ ցածր է: Միայն 21.4%-ն (13+16) է որ գնահատել է բարձր՝ 4 կամ 5 միավորով, ինչը նշանակում է, որ բարդ է ընդունելության քննությունները:

## Գծապատկեր 11.

11. Գնահատեք քննությունը ընդունող հանձնաժողովի կատարած աշխատանքը:

136 responses



Գրաֆիկից երևում է, որ պատասխանողների մեծ մասը (64.7%) ընտրել են ամենաբարձր գնահատականը՝ 5, ինչը վկայում է բարձր գոհունակության կամ դրական վերաբերմունքի մասին քննությունը ընդունող հանձնաժողովի մասին: Միջին և ցածր գնահատականներ (1–3) տվել է ընդամենը 25 մարդ, որը կազմում է մոտ 18.4%-ը (3.7+2.2+12.5): 4 և 5 գնահատականների ընդհանուր բաժինը կազմում է 81.6% (16.9+64.7), ինչը բարձր ցուցանիշ է և ցույց է տալիս ընդհանուր գոհունակություն:

## Ուսանողների առաջարկություններ

12. Ձեր առաջարկությունները:

25 responses

- Չունեմ
- Chunem arajarkutyun
- Գոհ եմ ամեն ինչից
- Այժմ չունեմ
- Լոխ լավա
- Բուֆետի առկայությունը, կազմակերպվեն արշավներ
- բարեհամբյուր լինեն որ չհիասթափվենք
- Լիֆտի վերանորոգում
- Աղբամանների տեղադրում,սենյակների օդորակիչների տեղադրում:
- Աղբամանների տեղադրում,սենյակների օդորակիչների տեղադրում:
- chka
- Ծխելու տեղեր հատկացրեք համալսարանի տարացքում
- Չկան
- Chunem arajark
- xorhurd ktam canotneris aycelen stex
- Chka
- Չունեմ առաջարկ
- Cher xangari aveli barehamuyr shbumy dasaxosneri koxmic
- Cher xangari aveli barehamuyr shbumy dasaxosneri koxmic
- Ամեն ինչ իդեալական ա
- Ոչ մի առաջարկ չունեմ,լավ աշխատանք եք կատարում,ապրեք
- Պարային դահլիճ Յայլիով❤️😄

25 մասնակիցներից մեծ մասը պատասխանել է, որ առաջարկություն չունի կամ գոհ է: Միայն մի քանիսն են տվել կոնկրետ բարելավման առաջարկներ:

## 1. Առաջարկություն չունեն / գոհ են (մոտ 70%)

Պատասխաններ՝

- Չունեն / Chka / Chunem / Այժմ չունեն / Չունեն առաջարկ
- Գոհ եմ ամեն ինչից
- Ամեն ինչ իդեալական ա
- Լավ աշխատանք եք կատարում, ապրեք
- Լօխ լավա

Այս խմբի պատասխանները ցույց են տալիս, որ ուսանողների մեծ մասը **գոհ է առկա պայմաններից**:

## 2. Կոնկրետ առաջարկներ բարելավման համար (մոտ 30%)

Պատասխաններ՝

- Բուժետի առկայություն, կազմակերպվեն արշավներ
- Բարեհամբույր լինեն, որ չհիասթափվենք
- Լիֆտի վերանորոգում
- Աղբամանների և օդորակիչների տեղադրում սենյակներում
- Ծխելու տեղեր հատկացրեք համալսարանի տարածքում
- Դասախոսների կողմից ավելի բարեհամբույր վերաբերմունք
- Պարային դահլիճ Հայլիով

Այս առաջարկները հիմնականում վերաբերում են՝

- **Կենսապայմանների բարելավմանը** (լիֆտ, օդորակիչ, աղբամաններ, պարային դահլիճ, բուժետ)
- **Կազմակերպչական և սոցիալական միջավայրին** (արշավներ, բարեհամբույր վերաբերմունք)

Պատասխանների մեծ մասը դրական է՝ գոհունակություն և վստահություն հաստատության աշխատանքի նկատմամբ: Միևնույն ժամանակ, մի քանի ուսանողներ բարձրաձայնել են կենցաղային և միջավայրային բարելավումների անհրաժեշտություն, որոնք կարող են նպաստել ուսանողական կյանքի որակի բարելավմանը:

## Եզրակացություն

Հարցման արդյունքները, որոնք ընդգրկել են առաջին կուրսի 136 ուսանողների (ընդունվածների շուրջ 57%-ը), հնարավորություն են տալիս ստանալ համապարփակ պատկեր ինստիտուտի առաջին կուրսի ուսանողների սոցիոդեմոգրաֆիկ կազմի, մոտիվացիաների, ակնկալիքների և գոհունակության մասին:

### 1. Սեռային բաշխվածություն.

Ուսանողների ճնշող մեծամասնությունը (79.4%) արական սեռի է: Սա պայմանավորված է ինստիտուտի մասնագիտական բնույթով՝ ֆիզիկական կուլտուրա և սպորտ, որտեղ գերակշռում են տղամարդիկ:

### 2. Տարածքային պատկանելիություն.

Ուսանողների մոտ 36%-ը Երևանից է, իսկ մնացածը՝ հիմնականում Արմավիր, Կոտայք և Արարատ մարզերից: Սա ցույց է տալիս, որ ինստիտուտը ունի հանրապետության մակարդակով ընդգրկուն ցուցանիշներ, սակայն մարզերից ներգրավվածությունը դեռևս սահմանափակ է:

### 3. Աշխատանքային զբաղվածություն.

Ուսանողների 69%-ը չեն աշխատում, ինչը բնորոշ է առաջին կուրսի ուսանողներին: Միննույն ժամանակ, գրանցվել է նաև աշխատող կամ մասամբ աշխատող ուսանողների խումբ (մոտ 30%), ինչը վկայում է որոշ սոցիալ-տնտեսական բեռի կամ ինքնուրույնության դրսևորման մասին:

### 4. Ֆակուլտետային և մասնագիտական բաշխվածություն.

Ուսանողների մեծ մասը (72.8%-ը) սովորում է Մարգչամանկավարժական ֆակուլտետում, ինչը հաստատում է մարզչական ուղղվածության գերակայությունը: Առողջարական տեխնոլոգիաների և կառավարման ֆակուլտետը ներկայացված է 27.2%-ով, ինչը նշանակում է, որ կինեզիոլոգիա, աթլետիկա/լող/սպորտային պարերը, վոլեյբոլ/բասկետբոլ/հանդբոլ, մարզաձևերի նկատմամբ ևս հետաքրքրությունը մեծ է:

### 5. Հստակություն մասնագիտության ընտրության մեջ.

Ուսանողների հիմնական շարժառիթը՝

- սպորտի հանդեպ սեր,
- Մանկուց զբաղվել են սպորտով և ուզում են շարունակել մասնագիտորեն: Այս գործոնները ընդգրկում են շուրջ 70–75% պատասխանները: Հետևաբար, ուսանողները բուհ են ընդունվել ոչ թե արտաքին ճնշման, այլ ինքնաճանաչման և հետաքրքրության հիման վրա:

6. Տեղեկացման աղբյուրներ.

Ուսանողների գրեթե կեսը (48%-ը) տեղեկացել է ինստիտուտի մասին ընկերների և ծանոթների միջոցով, իսկ մարկետինգային ու թվային հարթակների օգտագործման դերը համեմատաբար թույլ է :

7. Ընդունելության քննությունների բարդության գնահատում.

Ուսանողների զգալի մասը (մոտ 40%) գնահատել է ընդունելության քննության բարդությունը ցածր (1 կամ 2 միավոր): Սա վկայում է, որ քննությունները հիմնականում ընկալվել են որպես հասանելի և ոչ դժվար, սակայն միաժամանակ կարող է մատնանշել դրանց բովանդակային կամ գնահատման թերությունը:

8. Ակնկալիքներ բուհից.

Հարցվողների 52%-ը ակնկալում է առաջին հերթին գիտելիք և մասնագիտական պատրաստվածություն ստանալ, իսկ 29%-ը՝ դիպլոմ:

Գոհունակության մակարդակ.

Հարցվողների 81.6%-ը բարձր (4 կամ 5 միավոր) գնահատականներ են տվել բուհի քննությունները ընդհանուր հանձնաժողովի վերաբերյալ հարցին, ինչը վկայում է ընդհանուր բարձր գոհունակության և վստահության մասին:

9. Առաջարկություններ.

Ուսանողների 70%-ը նշել է, որ գոհ է ամեն ինչից: Մնացած 30%-ը տվել է կոնկրետ առաջարկներ, որոնք հիմնականում վերաբերում են՝

- կենցաղային պայմանների բարելավմանը (լիֆտ, բուֆետ, օդորակիչներ, աղբամաններ),
- սոցիալական միջավայրի հարստացմանը (արշավներ, պարային դահլիճ),
- մարդկային փոխհարաբերություններին (բարեհամբույր վերաբերմունք դասախոսների կողմից):

## Առաջարկություններ

Հիմնվելով վերլուծության և եզրակացության վրա՝ կարելի է ձևակերպել հետևյալ բարելավման առաջարկությունները.

### 1. Կրթական և մասնագիտական գործընթացների ուղղությամբ

- Զարգացնել գործնական հմտությունների ձևավորման հնարավորությունները՝ ավելացնելով **պրակտիկ պարապմունքների**, մարզումների և համագործակցային նախագծերի բաժինը:
- Ավելացնել **մասնագիտական հաղորդակցման և կարիերայի ուղղորդման դասընթացներ**, քանի որ ուսանողների մի մասը նշում է կարիերայի աճի ակնկալիք:
- Վերանայել ընդունելության քննությունների չափանիշները՝ ապահովելու համար դրանց **հավասարակշռված բարդությունը և արդար գնահատումը**:

### 2. Միջավայրի և ուսանողական կյանքի ուղղությամբ

- Բարելավել **ինստիտուտի ֆիզիկական միջավայրը**՝ վերանորոգել լիֆտը, ապահովել բուֆետ, աղբամաններ և օդորակիչներ:
- Ստեղծել **հանգստի և սոցիալական շփման գոտիներ**, ինչպես նաև կազմակերպել **արշավներ և սպորտային միջոցառումներ**, ինչը կբարձրացնի ուսանողների թիմային ոգին և պատկանելիության զգացումը:

### 3. Տեղեկատվական և մարկետինգային ուղղությամբ

- Քանի որ 48% ուսանող ինստիտուտի մասին տեղեկացել է ոչ պաշտոնական ճանապարհով, անհրաժեշտ է **ուժեղացնել թվային հաղորդակցությունը**՝ կայքէջի, սոցիալական մեդիայի և բաց դռների օրերի միջոցով:
- Ակտիվացնել **դպրոցների, մարզիչների և մարզական կազմակերպությունների հետ կապերը**՝ ապահովելով թիրախային տեղեկատվական հոսք:

### 4. Կազմակերպչական և հաղորդակցման միջավայրի ուղղությամբ

- Կազմակերպել դասախոսների համար **սերվիսային հաղորդակցության կարճ դասընթացներ**, որպեսզի ուսանողների հետ փոխհարաբերությունները լինեն առավել բարեհամբույր և խրախուսող:
- Հաստատել մեխանիզմ ուսանողական առաջարկների պարբերական հավաքագրման համար՝ օրինակ **առցանց ձևաթուղթ կամ QR-հղում**:

ընդհանուր գնահատական.

Առաջին կուրսի ուսանողները մեծ մասամբ գոհ են ինստիտուտի կրթական և կազմակերպչական միջավայրից: Նրանց մոտիվացիան հիմնականում դրական է և հիմնված է անձնական հետաքրքրության վրա: Միևնույն ժամանակ, ուշադրության կարիք ունեն կենցաղային պայմանների և հաղորդակցական միջավայրի բարելավումը, ինչպես նաև թվային ինֆորմացիոն քաղաքականության ուժեղացումը: